



**ZAPISNIK SA 2. SJEDNICE VIJEĆA RODITELJA JU OSMA OSNOVNA ŠKOLA
"AMER ĆENANOVIĆ" ILIDŽA, ODRŽANE 04.11.2016. GODINE U PROSTORIJAMA
ŠKOLE SA POČETKOM U 18:00 SATI**

Sjednici prisustvuje 13 članova Vijeća roditelja: Zerina Šendro, Adaleta Brajlović, Eniz Skejić, Fatima Mušanović, Asaf Teftedarija, Narcisa Kadić, Slobodanka Deparade, Enes Svraka, Nermin Kadić, Sami Babaić, Sead Trako, Mustafa Vlahovljak i Alma Ćenanović.

Sjednici je prisustvovao i direktor škole Vahid Čustović

Dva člana Vijeća roditelja su opravdano odsutna, i to: Rahima Maguda i Dalila Kadrić.

Sjednici prisustvuje većina članova tako da su ispunjeni uslovi za pravosnažno odlučivanje.

Za sjednicu je predložen i jednoglasno usvojen sljedeći:

DNEVNI RED:

- 1. Usvajanje Zapisnika sa prethodne sjednice Vijeća roditelja**
- 2. Pitanje sigurnosti učenika u školi i na putu do škole**
- 3. Formiranje radnih grupa u Vijeću roditelja**
- 4. Tekuća pitanja**

AD/1:

Na Zapisnik sa prethodne sjednice Vijeća roditelja nije bilo primjedbi, te je isti jednoglasno usvojen.

AD/2

Na samom početku predsjednik Vijeća roditelja Mustafa Vlahovljak je zaželio uspješan rad Vijeća roditelja u školskoj 2016/2017. godini i preporučio da se nastavi kontinuitet prošlogodišnjeg rada.

Predsjednik Vijeća roditelja je informisao prisutne da su od četiri zahtjeva Vijeća roditelja upućenih Općini Ilidža u protekloj školskoj godini uspješno realizovana tri, i to: da se prilagode usporivači brzine na kolovazu na Butmirskoj cesti i uvede u funkcionalno stanje, zatim uklonjeni su improvizovano postavljeni stubići na trotoaru od strane fizičkog lica, koje je ometalo pješake, a posebno djecu, kao i da se postavi poklopac na šahtu koji se nalazi sa bočne strane Amko komerca. Osta je neriješen zahtjev – neadekvatno obilježeni pješački prelazi, kao i postavljenije specifičnog saobraćajnog znaka.

Također, razgovarano je i o sigurnosti učenika na putu od kuće i škole, te o veoma aktuelnoj temi vršnjačkog nasilja. Prisjećajući se preduhitrene osude javnosti u slučaju rahmetli Mahira Rakovca, pokušaja otmice djevojčice u Zenici, koja je ostavila traga, kao i nedavne nesuglasice između dva učenika naše škole, članovi Vijeća roditelja iskazali su zabrinutost nasilnim ponašanjem djece, koja direktno ili indirektno učestvuju u sukobu (navijanje u sukobu).

Sami Babaić, član Vijeća roditelja VII-1 razreda predložio je da se organizuju predavanja o vršnjačkom nasilju za učenike od 5. do 9. razreda. Direktor Škole je podsjetio da se o ovom sveprisutnom problemu govori na časovima Odjeljske zajednice i da se organizuju edukativne radionice, ali da je najbolje pokazati ličnim primjerom. Također, spomenuo je i prošlogodišnju anketu sprovedenu među učenicima naše škole, te poražavajuće saznanje koliko mnogo učenici psuju. Razgovarano je i o problemu društvenih mreža i istaknuto da se roditelji često „boje tehnike“, ne znajući kakve sadržaje gledaju njihova djeca. Raspravljano je i o sigurnosti djece izvan školskog dvorišta.

ZAKLJUČAK: Sigurnost učenika u školi i na putu do škole zahtjeva jedan timski napor roditelja, škole, kao odgojno-obrazovne institucije, ali i učenika. Također, u rješavanju ovog problema trebaju biti uključeni i Službe za socijalni rad i policija.

AD/3

Formirane su četiri radne grupe u Vijeću:

- Radna grupa za edukaciju, a koordinatori grupe su: Enes Svrača i Asaf Teftedarija.
- Radna grupa za saradnju unutar Škole, a koordinatorice grupe su: Slobodanka Deparade i Narcisa Kadić.
- Radna grupa za saradnju sa lokalnom zajednicom, a koordinator je Nermin Kadić.
- Radna grupa za sigurnost, a koordinatori su Mustafa Vlahovljak i Asaf Teftedarija.

Da bi se ostvarila uspješna saradnja oformit će se i „viber grupa“ Vijeća roditelja naše Škole.

ZAKLJUČAK: Vijeće roditelja Osme osnovne škole „Amer Čenanović“ će nastojati da u narednom periodu bude partner u odgojno-obrazovnom procesu, da donosi prijedloge i pokreće inicijativu, a sve u svrhu što kvalitetnijeg obrazovanja i boravka učenika u školi.

AD/4

- a) Predsjednik Vijeća roditelja Mustafa Vlahovljak obavijestio je članove Vijeća roditelja da je na području Općine Ilidža formirana Koordinacija Vijeće roditelja osnovnih i srednjih škola.
- b) Razgovarano je o planiranju budžeta na lokalnoj razini i da se procjeni da li Vijeće roditelja ima potrebe i kapacitete. Direktor škole je obavijestio Vijeće roditelja da je Općina Ilidža izdvojila određena sredstva za obnovu fiskulturne sale.
- c) Na prijedlog Slobodanke Deparade pokrenuto je pitanje rješavanja pasa na Hipodromu, koja ugrožavaju sigurnost djece, ali i odraslih. Iako je u više navrata kontaktirala Mjesnu zajednicu Butmir, nije naišla na razumijevanje.
- d) Jednoglasno je usvojen prijedlog predsjednika Vijeća roditelja da se koristi oglasna tabla u hodniku Škole.

Sjednica je završena u 19:40.

Zapisničar

Alma Čenanović

Predsjednik Vijeća roditelja

Vlahovljak Mustafa